



KETUA PENGARAH KESIHATAN MALAYSIA
DIRECTOR GENERAL OF HEALTH MALAYSIA

Kementerian Kesihatan Malaysia,
Aras 12, Blok E7, Parcel E,
Pusat Pentadbiran Kerajaan
Persekutuan,
62590 Putrajaya

Tel :603-88832545
Faks :603-88895542
E-mail :ismailmerican@moh.gov.my

KENYATAAN AKHBAR
KETUA PENGARAH KESIHATAN MALAYSIA

SITUASI SEMASA INFLUENZA A(H1N1)
DAN TINDAKAN-TINDAKAN KEMENTERIAN KESIHATAN
MALAYSIA

7 Mei 2009

Pertubuhan Kesihatan Sedunia (WHO) dalam laporannya bertarikh 6 Mei 2009 16:00 GMT, bersamaan 6 Mei 2009 @12:00 tengah malam Malaysia, memaklumkan dua (2) buah negara lagi iaitu **Guatemala** dan **Sweden** secara rasmi melaporkan kes influenza A(H1N1) dan menjadikan jumlah negara yang terlibat kepada dua puluh tiga (23) buah. Jumlah keseluruhan kes yang dilaporkan adalah **1893 kes** dengan **31 kematian** iaitu pertambahan sebanyak 403 kes berbanding hari sebelumnya.

Negara Mexico melaporkan 942 kes yang disahkan melalui ujian makmal, dengan dua puluh sembilan (29) kematian berbanding 822 kes pada hari sebelumnya. Amerika Syarikat pula melaporkan 642 kes positif ujian makmal influenza A(H1N1) dengan pertambahan satu (1) kes kematian pada hari semalam dan menjadikan jumlah kematian di negara tersebut kepada dua (2). Negara-negara yang melaporkan kes influenza A(H1N1) serta tiada kematian adalah seperti berikut: Austria (1), Kanada (165), Hong Kong (1), Colombia (1), Costa Rica (1), Denmark (1), El Salvador (2), Perancis (5),

Jerman (9), **Guatemala (1)**, Ireland (1), Israel (4), Itali (5), Belanda (1), New Zealand (5), Portugal (1), Republik Korea (2), Sepanyol (73), **Sweden (1)**, Switzerland (1) dan United Kingdom (28).

WHO masih lagi mengekalkan tahap amaran Influenza Pandemik di Fasa 5, semenjak 29 April 2009 dan TIDAK menyarankan sebarang tindakan sekatan dari segi kesihatan, perjalanan dan perdagangan serta penutupan sempadan yang perlu dilakukan oleh mana-mana negara bagi perlindungan kesihatan antarabangsa. Walau pun begitu adalah penting orang awam yang mengalami tanda-tanda jangkitan terutamanya demam, batuk, selsema dan sakit tekak dinasihatkan untuk menanggungkan lawatan antarabangsa dan mereka yang mengalami tanda-tanda berkenaan dari lawatan antarabangsa dinasihatkan untuk mendapat rawatan.

Beberapa saranan tambahan daripada WHO meliputi amalan kebersihan diri terutama sekali membasuh tangan dengan kerap menggunakan sabun dan air, lebih-lebih lagi selepas batuk dan sekiranya mengalami gejala '*influenza-like illness*', sila dapatkan rawatan perubatan dengan segera. Disamping itu, tiada risiko mendapat jangkitan influenza A(H1N1) sekiranya daging atau produk babi disediakan dan dimasak secara betul.

Pada 6 Mei 2009 Bilik CPCR Kementerian telah menerima empat (4) laporan mengenai pesakit yang dimasukkan ke wad isolasi bagi tujuan siasatan dan pemerhatian. Tiga (3) kes tersebut adalah disahkan negatif terhadap influenza A(H1N1) oleh Institut Penyelidikan Perubatan sementara 1 kes lagi masih dalam proses ujian makmal. Seorang telah didiscaj dari Hospital Sungai Buloh. Sehubungan dengan ini juga, sehingga masa ini **tiada kes** influenza A(H1N1) dikesan di negara kita.

Saringan kesihatan di semua pintu masuk antarabangsa yang menerima kemasukan pelawat dari negara-negara yang dilanda wabak influenza A(H1N1) serta kepulauan rakyat Malaysia dari negara tersebut terus dipertingkatkan di mana mereka disaring dan diberi *Health Declaration Form* dan *Health Alert Card*. Pihak Imigresen telah membantu pihak Kementerian Kesihatan Malaysia dalam proses saringan penumpang ini. Pada 6 Mei 2009, status aktiviti saringan pemantauan influenza A(H1N1) di pintu masuk udara iaitu termasuk di Lapangan Terbang Antarabangsa Sepang adalah seperti berikut:

- Bilangan penerbangan yang disaring : 43
- Bilangan penumpang yang disaring: 6, 379
- Bilangan dirujuk ke hospital: Tiada.

Di pintu masuk darat, seramai 333 penumpang dan di pintu masuk laut seramai 641 penumpang telah disaring dengan tiada yang dirujuk ke hospital.

Kementerian Kesihatan telah memasang 4 lagi "ThermalScan" iaitu 2 di Lapangan Terbang Pulau Pinang dan 2 di Lapangan Terbang Kota Kinabalu. Scanner ini akan memcepatkan lagi proses saringan penumpang di pintu masuk negara.

Bilik CPRC Kementerian juga telah menerima sejumlah 34 panggilan dari orang ramai yang bertanya mengenai isu perjalanan ke luar negara, vaksin dan rawatan. Memandangkan kejadian kes terus meningkat, Kementerian Kesihatan ingin menggesa kepada orang awam supaya menangguhkan sementara perjalanan antarabangsa ke negara-negara yang dikesan mempunyai kes influenza A(H1N1). Sekiranya perjalanan ini tidak dapat dielakkan mereka dinasihatkan

supaya mengambil langkah-langkah pencegahan semasa di negara tersebut.

Kepada mereka yang kurang sihat digesa supaya tidak melakukan perjalanan ke luar negara. Kepada mereka yang baru balik dari luar negara terutama dari negara yang dikesan mempunyai kes influenza A(H1N1) diminta memantau kesihatan mereka sendiri dan sekiranya mempunyai tanda-tanda demam, batuk atau tanda-tanda jangkitan salur pernafasan, segera mendapatkan rawatan doktor. Maklumkan kepada doktor yang merawat bahawa mereka baru pulang dari negara yang dilanda wabak ini. Maklumat mengenai perkara ini boleh didapati di halaman web Kementerian iaitu <http://www.moh.gov.my>.

Kementerian Kesihatan Malaysia dan semua agensi terlibat terus meningkatkan pemantauan situasi influenza A(H1N1) dengan pihak WHO bagi memastikan tindakan-tindakan proaktif diambil untuk melindungi kesihatan awam penduduk Malaysia.

Sekian dan terima kasih.

TAN SRI DATO' SERI DR. HAJI MOHD ISMAIL MERICAN
Ketua Pengarah Kesihatan Malaysia

Tarikh: 7 Mei 2009